

**ZAPISNIK
SA 26 PROŠIRENE ON LINE SJEDNICE UPRAVNOG ODBORA
UDRUŽENJA POSLODAVACA FBiH**

održane dana 30.06.2021. godine (srijeda), sa početkom u 11:00 sati, putem ZOOM aplikacije

Sjednici su prisustvovali članovi Upravnog odbora UPFBiH: Adnan Smailbegović, Šejla Bojadžija Nijaz Skenderagić, Safudin Čengiđ, Nurdin Peštalić, Ante Suton, Suad Ećo i Želimir Čamber.

Sjednici su po ovlaštenju članova Upravnog odbora UPFBiH prisustvovali: Nihad Begić (po ovlaštenju Stjepana Kumrića), Samir Alić (po ovlaštenju Snježane Kopruner) Darko Josipović (po ovlaštenju Velinke Lujinović), Harun Sejdić (po ovlaštenju Adisa Karahodžić), Esad Pelidija (po ovlaštenju Rusmira Hrvica),

Sjednici nisu prisustvovali članovi Upravnog odbora UPFBiH: Krasnodar Petrović, Kemal Čolak, Ivan Ljubić, Jadranka Penava, Ramiz Grapkić, Vilim Primorac i Eldin Hadžiselimović.

Sjednici su pored članova UO članovi ESV-a Josip Kraljević i Zoran Gazibarić te predsjednici Grupacija i članovi UO KS.

Ispred UP FBiH: Mladen Pandurević i Mersiha Jusić.

Sjednicu je otvorio Adnan Smailbegović i predložio slijedeći:

DNEVNI RED

1. Usvajanje Zapisnika sa 25. proširene sjednice Upravnog odbora UPFBiH;
2. Razmatranje i usvajanje Odluke o vođenju socijalnog dijaloga;
3. Razmatranje i usvajanje Odluka o imenovanju pregovaračkih timova za vođenje i zaključivanje Kolektivnih ugovora:
 - a) za djelatnost metalne industrije,
 - b) za djelatnost prerade drveta i papira,
 - c) za djelatnost građevinarstva,
 - d) za djelatnost hemije i nemetala,
 - e) za djelatnost tekstilne industrije i industrije kože i obuće,
 - f) za djelatnost saobraćaja i cestovnog prometa i
 - g) za djelatnost trgovine;
4. Razmatranje:
 - a) Zakona o izmjenama i dopunama Zakona o poreznoj Upravi FBiH;
 - b) Zakona o jedinstvenom postupku inspeksijskog nadzora;

5. Razmatranje Zakona:

- a) Zakona o izmjenama i dopunama zakona o inspekcijama,
- b) Zakona o izmjenama i dopunama zakona o prekršajima,
- c) Zakona o izmjenama i dopunama zakona o upravnom postupku,
- d) Zakon o izmjenama i dopunama zakona o hrani,
- e) Zakon o izmjenama i dopunama zakona o unutrašnjoj trgovini,
- f) Zakon o izmjenama i dopunama zakona o kontroli cijena,
- g) Zakon o izmjenama i dopunama Zakona o cestovnom prijevozu,

6. Razmatranje i usvajanje Odluke o izboru Komisije za izbor ponude za poslovni prostor;

7. Imenovanje člana radne grupe za izradu sektorskih smjernica za zaštitu od Covida-19 na radnom mjestu u okviru Projekata ILO-a, „EU4BusinessRecovery“;

8. Tekuća pitanja;

Dnevni red je usvojen jednoglasno uz dopunu da se pod tekućim pitanjima razmatra:

- Poslaničko pitanje koje se odnosi na minimalnu platu, koje je dostavljeno od strane PD Parlamenta FBiH

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa 25 proširene sjednice UO UP FBiH

Predsjednik je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi.

A.D.1.1: Zapisnik sa 25. Proširene on line sjednice UO UP FBiH je jednoglasno usvojen.

Tačka 2. Razmatranje i usvajanje Odluke o vođenju socijalnog dijaloga;

Predsjednik UO je upoznao prisutne sa ovom tačkom dnevnog reda. Naime, zbog ozbiljno narušenog povjerenja, te javnog prozivanja i napada od strane sindikata Upravni odbor UPFBiH je Odlukom broj I-180-4/20 potvrdio odluku Izvršnog odbora broj 155-2/20 o povlačenju iz socijalnog dijaloga i vođenju pregovora sa sindikatima, obzirom da u trenutnoj situaciji, izazvanoj ponašanjem sindikata ne bi mogli voditi uspješan socijalni dijalog.

Imajući u vidu da je sindikat u proteklom periodu promjenio svoje ponašanje i poboljšao saradnju uz uvažavanje Udruženja poslodavaca FBiH, te promjenio nastup u javnosti kao i u odnosima sa vlasti, Upravni odbor predlaže da se navedena Odluka stavi van snage.

Nakon diskusije doneseni su zaključci:

A.d. 2.1. Upravni odbor je jednoglasno usvojio Odluku o vođenju socijalnog dijaloga.

Tačka 3. Razmatranje i usvajanje Odluka o imenovanju pregovaračkih timova za vođenje i zaključivanje Kolektivnih ugovora:

- a) za djelatnost metalne industrije,
- b) za djelatnost prerade drveta i papira,
- c) za djelatnost građevinarstva,
- d) za djelatnost hemije i nemetala,
- e) za djelatnost tekstilne industrije i industrije kože i obuće,
- f) za djelatnost saobraćaja i cestovnog prometa i
- g) za djelatnost trgovine;

Vežano za ovu tačku dnevnog reda predsjednik UPFBiH Adnan Smailbegović napomenuo da je u cilju nastavka vođenja socijalnog dijaloga i poduzimanja aktivnosti za otpočinjanje pregovora i zaključivanje kolektivnih ugovora potrebno imenovati članove pregovaračkih timova. UO UPFBiH je dao prijedloge članova pregovaračkih timova a na osnovu prethodnih konsultacija sa predloženim osobama te njihove saglasnosti.

Nakon diskusije doneseni su zaključci:

A.D. 3.1. Upravni odbor je jednoglasno usvojio Odluke o imenovanju pregovaračkih timova za vođenje i zaključivanje kolektivnih ugovora za djelatnost metalne industrije, djelatnost prerade drveta i papira, djelatnost građevinarstva, djelatnost hemije i nemetala, djelatnost tekstilne industrije i industrije kože, gume i obuće, djelatnost prometa i za djelatnost trgovine. Odluke su sastavni dio zapisnika.

Tačka 4. Razmatranje:

- a) Zakona o izmjenama i dopunama Zakona o poreznoj Upravi FBiH;
- b) Zakona o jedinstvenom postupku inspekcijiskog nadzora;

Vežano za ovu tačku dnevnog reda direktor UPFBiH Mladen Pandurević obrazložio je amandman UPFBiH na Zakona o izmjenama i dopunama Zakona o poreznoj Upravi FBiH, koji je Udruženje uputilo svim zastupnicima Zastupničkog doma PFBiH. Amandman se odnosi na uvođenje apsolutne zastare poreznih obaveza. Predlaganjem uvođenja instituta apsolutne zastare ne želi

se omogućiti neplaćanje poreznih obaveza, naprotiv, želi se doprinijeti efikasnosti rada poreznih organa i učinkovitijoj naplati poreza. Ukoliko se uvede institut zastare, uvest će se i odgovornost nadležnih organa, jer će biti svjesni da će morati preuzeti odgovornost zbog propusta koji je učinjen i nenaplate poreza koji će nakon deset godina zastarjeti i više se neće moći naplatiti.

Također, direktor je članovima UO prezentirao Zakon o jedinstvenom postupku inspekcijskog nadzora koje je pripremio Udruženje poslodavaca i koji je dobio podršku od resornog ministarstva pravde na sjednici ESV-a. Zakonom je precizno utvrđen sam postupak inspekcijskog nadzora, postupak rješavanja sukoba nadležnosti između istih i različitih nivoa inspekcijskih organa, utvrđeno je planiranje rada i javna objava Plana i programa rada.

Nakon diskusije doneseni su zaključci:

A.D. 4.1.a) UO je jednoglasno usvojio amandmane UPFBiH na Zakon o izmjenama i dopunama Zakona o poreznoj upravi FBiH.

A.D: 4.2.b) UO je jednoglasno usvojio tekst Zakona o jedinstvenom postupku inspekcijskog nadzora, te dao saglasnost za upućivanje u dalju proceduru.

Tačka 5. Razmatranje Zakona:

- a) Zakona o izmjenama i dopunama zakona o inspekcijama,
- b) Zakona o izmjenama i dopunama zakona o prekršajima,
- c) Zakona o izmjenama i dopunama zakona o upravnom postupku,
- d) Zakon o izmjenama i dopunama zakona o hrani,
- e) Zakon o izmjenama i dopunama zakona o unutrašnjoj trgovini,
- f) Zakon o izmjenama i dopunama zakona o kontroli cijena,
- g) Zakon o izmjenama i dopunama Zakona o cestovnom prijevozu,

Predsjednik UPFBiH Adnan Smailbegović upoznao je članove sa prijedlozima UPFBiH te istakao da se radi o manjim izmjenama. Svi članovi UO su učestvovali u diskusiji o Zakonu o izmjenama i dopunama Zakona o inspekcijama, Zakonu o izmjenama i dopunama Zakona o prekršajima, Zakonu o izmjenama hrani, Zakonu o izmjenama i dopunama Zakona o unutrašnjoj trgovini, Zakonu o izmjenama i dopunama Zakona o kontroli cijena i Zakonu o izmjenama i dopunama Zakona o cestovnom prevozu.

Nakon diskusije doneseni su sljedeći zaključci:

A.D. 5.1. UO je jednoglasno prihvatio predložene izmjene Zakona, te dao saglasnost za upućivanje u dalju proceduru.

Tačka 6. Razmatranje i usvajanje Odluke o izboru Komisije za izbor ponude za kupovinu za poslovni prostor;

Predsjednik UPFBiH obavijestio je članice UO da je Udruženje u potrebi za proširenjem kapaciteta zbog osnivanja Edukacionog centra, te da je u fazi pronalaska adekvatnog poslovnog prostora za iznajmljivanje ili kupovinu, te da je potrebno imenovati Komisiju za izbor najpovoljnije ponude za kupovinu poslovnog prostora.

Nakon diskusije doneseni su sljedeći zaključci:

A.D. 6..1. Upravni odbor je jednoglasno usvojio Odluka o izboru Komisije za izbor ponuda za kupovinu poslovnog prostora koja broji tri člana u sastavu Adnan Smailbegović, predsjednik, Mladen Pandurević, direktor i Igor Baroš, član.

Tačka 7. Imenovanje člana radne grupe za izradu sektorskih smjernica za zaštitu od Covida-19 na radnom mjestu u okviru Projekata ILO-a, EU4BusinessRecovery“;

U okviru ove tačke članovi U.O. su raspravljali o imenovanju člana radne grupe za izradu sektorskih smjernica za zaštitu od Covida-19 na radnom mjestu po projektu EU4BusinessRecovery.

Nakon dugotrajne rasprave koja se svodila na pitanje da li uopšte treba predstavnika UPFBiH imenovati u ovo tijelo UO je donio sljedeći zaključak:

A.d. 7.1. Jednoglasno je usvojena odluka da se za člana radne grupe za izradu sektorskih smjernica za zaštitu od Covida-19 na radnom mjestu po projektu EU4BusinessRecovery imenuje Esad Pelidija iz AS Holdinga.

Tačka 8. Tekuća pitanja;

Pod tekućim pitanjima raspravljalo se o:

- Poslaničko pitanje koje se odnosi na minimalnu platu, koje je dostavljeno od strane PD Parlamenta FBiH

U okviru ove tačke članovi su raspravljali o minimalnoj plaći te je zaključeno da je potrebno napraviti sastanak na kojem će se razgovarati samo o ovoj temi. Stav poslodavaca je da je potrebno povećanje minimalne plaće ali ako bi ista bila utvrđena u nerealno visokom iznosu, za posljedicu bi imalo nestanak velikog broja obrta i malih kompanija, a samim tim i gubitka radnih mjesta.

Nakon rasprave donesen je sljedeći zaključak:

A.D. 8.1. Zadužuje se direktor Mladen Pandurević da u saradnji sa predsjednikom Adnanom Smailbegovićem pripremi odgovor na poslaničko pitanje, koje se odnosi na minimalnu platu, a koje je dostavljeno od strane PD Parlamenta FBiH

Sjednica je završena u 13:30 sati.

Zapisnik sačinila:
Mersiha Jusić, sekretar

PREDSJEDNIK UPRAVNOG ODBORA
Adnan Smailbegović, s.r.